

214. fundur Breiðafjarðarnefndar, haldinn 25. apríl 2023, á Teams

Mætt: Erla Friðriksdóttir formaður, Guðríður Þorvarðardóttir varaformaður, Karl Kristjánsson, Arnheiður Jónsdóttir, Valdís Einarisdóttir, Sigurður Halldór Árnason, Arnar Kristjánsson og Magnús A. Sigurðsson

Forföll: Engin forföll

Fundarritari: Jakob Stakowski

Formaður setti fund kl. 10.30

1. Rannsókn á framandi tegundum í sjó á verndarsvæðinu

Breiðafjarðarnefnd hefur hafið undirbúningsvinnu vegna framkvæmdar á rannsókn á framandi tegundum í höfnum Breiðafjarðar. Náttúrustofa Suðvesturlands hefur sérhæft sig í rannsóknnum og vöktun á framandi tegundum í sjó og var fengin til að gera tillögu að rannsóknaráætlun, sem var kynnt nefndarfólki á fundinum.

Afgreiðsla:

Sindri Gíslason, forstöðumaður Náttúrustofu Suðvesturlands, mætti á Teams fund Breiðafjarðarnefndar og kynnti fyrir hópnum stöðu framandi tegunda í sjó, bæði á heimsvísu og á Íslandi. Sindri kynnti svo drög að tillögu um rannsókn í höfnum Breiðafjarðar fyrir Breiðafjarðarnefnd.

Breiðafjarðarnefnd gerði nokkrar athugasemdir við rannsóknartillögu Náttúrustofu Suðvesturlands og mun senda þær til Sindra áður en endanleg ákvörðun um framkvæmd rannsóknar verður tekin. Málið verður tekið upp á næsta fundi.

2. Fundargerð 213. fundar Breiðafjarðarnefndar

Fundargerð 213. fundar nefndarinnar frá 14. mars 2023.

Afgreiðsla:

Fundargerð lesin upp og samþykkt.

3. Drög að stjórnunar- og verndaráætlun friðlands í Flatey

Breiðafjarðarnefnd fékk til umsagar frá Umhverfisstofnun drög að stjórnunar- og verndaráætlun friðlands í Flatey.

Afgreiðsla:

Breiðafjarðarnefnd skoðaði drögin á fundi og mun starfsmaður nefndarinnar undirbúa drög að umsögn í samræmi við athugasemdir og ábendingar sem ræddar voru. Nefndin mun skoða og afgreiða drögin á næsta fundi. Skilafrestur umsagna til Umhverfisstofnunar er 29. maí.

4. Fundur með Landvernd og Fuglavernd vegna tilmæla fastanefndar Bernarsamningsins

Landvernd og Fuglavernd hafa óskað eftir upplýsingafundi með Breiðafjarðarnefnd, Vegagerðinni og umhverfis-, orku- og loftslagsráðuneytinu til að ræða tilmæli fastanefndar Bernarsamningsins nr. 218 og hvernig eigi að bregðast við tilmælunum.

Afgreiðsla:

Umhverfis-, orku- og loftslagsráðuneytið hefur kallað til fundar þann 2. maí.

Starfsmaður Breiðafjarðarnefndar mun senda fundarboð til nefndarfólks.

5. Samráð við Reykhólahrepp og Framfarafélag Flateyjar vegna skipaheimsókna AECO í Flatey

Umhverfisstofnun sendi Breiðafjarðarnefnd erindi AECO um heimsóknir leiðangursskipa í Flatey í febrúar 2023 í tengslum við vinnu Umhverfisstofnunar á stjórnunar- og verndunaráætlun fyrir friðlandið í Flatey.

Breiðafjarðarnefnd ræddi erindi AECO á síðasta fundi. Þar var ákveðið að leita frekara samráðs við Reykhólahrepp og Framfarafélag Flateyjar og sendi starfsmaður nefndarinnar fyrirspurn til þeirra í mars.

Afgreiðsla:

Samráð við Reykhólahrepp og Framfarafélag Flateyjar stendur enn yfir og mun Breiðafjarðarnefnd kalla til Teams fundar með þeim til að ræða komu leiðangursskipa í eyjar Breiðafjarðar og möguleg áhrif slíkra heimsókna á verndarsvæðið.

6. Næsti staðfundur Breiðafjarðarnefndar og vettvangsferð Breiðafjarðarnefndar 2023

Fyrirhugað var að halda þennan fund Breiðafjarðarnefndar sem staðfund en vegna ófyrirsjáanlegra aðstæðna þurfti að færa fundinn á Teams. Fyrir liggur að skipuleggja næsta staðfund.

Breiðafjarðarnefnd undirbýr auk þess vettvangsferð sína 2023.

Afgreiðsla:

Ákveðið var að fresta næsta staðfundi og halda hann í tengslum við vettvangsferð nefndarinnar í ágúst. Fram að þeim tíma verða fundir haldnir á Teams.

Breiðafjarðarnefnd ræddi skipulag vettvangsferðar og mun starfsmaður nefndarinnar hefja undirbúning samkvæmt upplýsingum sem fram komu á fundinum.

7. Fjármál

Fjármál Breiðafjarðarnefndar 2023 voru skoðuð á fundinum.

Afgreiðsla:

Lögð voru fram gögn um fjárheimild ársins og núverandi stöðu fjármála nefndarinnar.

Starfsmaður Breiðafjarðarnefndar mun á næsta fundi leggja fram endurskoðaða fjárhagsáætlun ársins miðað við nýjustu upplýsingar.

8. Önnur mál

Engin önnur mál voru rædd.

Næsti fundur Breiðafjarðarnefndar verður fjarfundur þann 15. maí, kl. 10.30 á Teams. Fleira ekki gert og fundi slitið kl. 12.05.